

Ein neues österreichisches Curculioniden-Genus, entdeckt vom Grafen von Khuenburg,

beschrieben von

Professor Dr. Kolenati.

Mit einer Abbildung.

Vorgelegt in der Sitzung vom 5. Mai 1858.

Genus novum: **Glaridorhinus** Kolenati.

(α γλαρίς, ἴδος Hohlmeissel et ῥίς, ῥῥός; Nase.)

(Tab. IX. Fig. 2, a — d.)

Character generis. Antennae breves, crassae, medio rostri insertae, scapo extrorsum clavato, oculorum marginem anticum superante, breviori quam clava, funiculo articulis septem, articulo primo dimidio latiori reliquis, calyciformi, secundo pyriformi, apice truncato, longitudine primi, reliquis brevibus et transversis, gradatim latioribus, ultimo clavae adpresso, clava ovata, crassa, quadriarticulata.

Rostrum breve, brevius quam thorax, nimis crassum, subarcuatum, tetragonum, depressum, supra planiusculum, antennarum fossa infra oculos vergente, apice crassius et oblique truncatum.

Oculi laterales, parum prominuli, subtriangulares.

Thorax transversus, basi sub-sinuatus, infra oculos truncatus.

Scutellum distinctum, triangulare.

Coleoptera longiora ac conjunctim lata, oblongo-ovata, basi sub-truncata, postice coarctato-globosa, valde convexa, humeris longitudinaliter sub angulo recto prominulis, pygidium non obtegentia.

Alae evolutae, bicostatae et fractae.

Pedes breves, antici paulo longiores et denticulati, reliqua mutici, coxae anticae approximatae, femora non clavata, tibiae rectae et subcylindricae, tarsi apice dilatati et bilobati.

Spectat ad **Schönherrii** Ordinem II-dum et Divisionem IX-mam, inter **Redtenbacherii** sectionem h et i partim generi **Rhytidomus** (Germarii) partim generi **Tanyssphyrus** (Germarii) proximum, rostro autem peculiari semper eminens.

Species nova: **Glaridorhinus Khuenburgii** Kolenati.

(Tabula IX. Fig. 2, a, b, c, d.)

Breviter sub-ovatus, ater, subnitidus, convexus, totus sparse silaceo-setulosus, rostro thorace fere dimidio breviori, antennis tarsisque ferrugineo-testaceis, thorace scrobiculato et inter scrobiculos ruguloso-aciculato, rostro scrobiculato et apice summo rufo, coleopteris profunde et late punctato-striatis, interstitiis latis, elevatis et biserialiter intricatis, scutello dense niveo-setuloso fasciisque duabus arcuatis densius albido-setosis in coleopteris.

Longitudo corporis absque rostro	0,0022
Longitudo capitis	0,0008
Longitudo rostri	0,0005
Latitudo rostri	0,0003
Longitudo antennae	0,0008
Longitudo thoracis	0,0008
Latitudo thoracis	0,0009
Longitudo elytri	0,0018
Latitudo summa in coleopteris	0,0013
Longitudo pedum	0,0013 Metri Parisiensis.

Patria. Rhaetia (teste Comite a Khuenburg!)

Exemplaria typica in collectione Comitissae Khuenburg.

Descriptio. Caput globosum, supra scrobiculatum et sparse silaceo-setulosum, subtus transverse aciculato-striatum et glabrum; oculi prominuli subtrigoni; rostrum brevius quam caput, nimis incrassatum, fere sub-obcuneatum, tetragonum, deflexum, subarcuatum, depressum, in medio et ante apicem incrassatum, in apice oblique truncatum, ore rufo sub angulo prominente, supra planiusculum, punctatum et sparse silaceo-setulosum, antennarum fossa lata infra oculos vergente; antennae breves, crassae, medio rostri insertae, ferrugineo-testaceae, ad geniculum vix-, ad funiculum sparse-, ad clavam dense-adpresso-pilosae, scapo extrorsum clavato, breviori quam clava, septem-articulata, articulo primo dimidio latiori articulis funiculi reliquis, calyciformi, secundo longitudine primi, pyriformi, apice truncato, reliquis brevibus et transversis, gradatim latioribus, ultimo clavae adpresso, clava articulo funiculi primo plus quam duplo latior, crassa, quadriarticulata, ovata, thorax vix longior ac ejus latitudo postica, transversus, subcylindricus, subconvexus, antice paulo angustior, a medio ad apicem obsolete constrictus lateribus paulo ampliatus, apice truncatus, basi sub-bisinuatus, supra et subtus scrobiculatus, in interstitiis scaber, in disco plaga subtorulosa nuda, sparse silaceo-setulosus; scutellum triangulare, punctatum et dense niveo-adpresso-setosum, coleoptera vix triplo longiora ac conjunctim lata, thoracis basi latiora, late oblongo-ovata, antice subtruncata, postice coarctato-rotundata, in margine externo sub-angulato-sinuata, valde convexa, humeris lateraliter prominulis et longitudinaliter sub angulo recto protensis, lateribus vix amplicata, apice conjunctim rotundata, ad latera et postice declivia, pygidium non obtegentia, profunde et late punctato-striata, intersitiis latis, elevatis, biserialiter intricatis aut uniserialiter granulatis, striis decem, fasciis duabus arcuatis et apice densius albido-setulosis, fascia antica in cuilibet elytro angulata, corpus subtus nigrum, punctatum, sparse albido-setulosum; pedes breves, aequae longi ac latitudo corporis, antici paulo longiores et sibi approximati, femora non clavata, antica denticulo minimo armata, reliqua mutica, punctata et inter punctos rugulosa, sparse albido-setulosa, tibiae rectae, subcylindricae, apice summo rufae, punctatae et sparse albido setulosae, tarsi ferrugineo-testacei, apice dilatati et setulosi.

Explicatio tabulae.

Figura 2. a) *Gluridorhinus Khuenburgii* Kolenati, magnit. aucta.

b) Magnit. naturalis cum rostro.

c) Magnit. aucta, a latere.

d) Antenna aucta.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Verhandlungen der Zoologisch-Botanischen Gesellschaft in Wien. Früher: Verh. des Zoologisch-Botanischen Vereins in Wien. seit 2014 "Acta ZooBot Austria"](#)

Jahr/Year: 1858

Band/Volume: [8](#)

Autor(en)/Author(s): Kolenati Friedrich Anton Rudolph

Artikel/Article: [Ein neues österreichisches Curculioniden-Genus \(Tab. VI.\). 343-344](#)